

娛

親

雅

言

娛親雅言卷五

歸安嚴元照

論語 孝經 孟子

學而賢賢易色孔云言以好色之心好賢則善也朱

子集註從之元照案漢書李尋傳引此文師古注

云賢賢尊尚賢人易色輕略於色不貴之也讀易

爲以豉反賢賢易色兩事對舉視孔說較勝

梁曜北云

此章每句皆一事何獨此四字兩事對舉乎周信之云顏說至當若以爲每句皆一事則與朋友交言而有信何獨兩句爲一事乎徐新。又攷田云養原案四字卽作兩句亦無不可

之皇侃義疏云人能改易好色之心以好於賢則此人便是賢於賢者故云賢賢易色也然云賢於賢者亦是獎勸之辭也又一通云上賢字猶尊重也下賢字謂賢人也言若欲尊重此賢人則當改易其平常之色更起莊敬之容也集註參用此二說

未若貧而樂富而好禮者皇疏本樂下有道字

唐石經無

道字宋人增刻於旁

元照案鄭注云樂謂志於道不以貧賤

爲憂苦也是鄭本無道字孔本有道字故兩言貧

而樂道兩家本不同

孫監察云孔鄭兩本不同此說極是文選嵇康幽憤詩樂

道間居陸機漢高祖功臣頌平陽樂道注引論語有道字謝朓苔靈運詩復禮媿貧樂竟陵王行狀貴而好禮注引論語無道字

蓋李善兼采孔鄭兩本也

何晏不審異同之故

竝存兩說失之疎略皇本雖有道字而疏中舉貧

樂富禮爲言又云貧者多憂而不樂故以樂爲勝

其說似又未嘗有道字也愚謂坊記曰貧而好樂

富而好禮與論語文同漢書王莽傳上陳崇奏莽

功德引論語無道字

後漢書東平王傳論引亦無

此鄭君所本

史記仲尼弟子列傳云不如貧而樂道富而好禮

史公親從安國問故与孔本同

爲政父母唯其疾之憂馬融注言孝子不妄爲非唯

有疾病然後使父母憂耳元照案淮南

說

憂父之

疾者子高誘注云論語曰父母唯其疾之憂故曰

憂之者子此以憂父母之疾爲說則其讀父母二

字自爲句不以屬下視馬注較淺然自當並存

有酒食先生饌馬云饌飲食也鄭本從魯作餽云食

餘曰餽惠氏古義云儀禮注古文簋皆作餽說文

簋具食也或作饌从巽則餽爲古文饌也臧在東

云鄭以食餘訓餽則固未嘗以餽爲古文饌也惠氏牽合爲一非矣或疑先生不宐食人之餽許周生云曲禮餽餘不祭父不祭子夫不祭妻注云食人之餘曰餽餽而不祭唯此類也食尊者之餘則祭句盛之正義云父得食子餘者熊氏云謂年老致仕傳家事於子孫子孫有賓客之事故父得餽其子餘讀此節注疏知先生亦有食子弟餽之時鄭注未容輕議

子曰書云孝于

今作乎此從漢石經

惟孝友于兄弟施於有政

是亦爲政奚其爲爲政古文尙書割截此文入之
周書君陳篇以惟孝屬下爲句近人辨之詳矣惟
是唐以後人以是亦爲政兩語爲孔子語則与皇
氏義疏不合案疏曰云子曰云云者此以上竝尙
書文也又曰云奚其爲爲政者此是孔子正荅於
或人也則是亦爲政皇氏亦以爲尙書文後人祇
緣古文君陳有克施有政四字而無下語故分析
兩語一屬尙書一屬孔子耳然皇氏已及見古文
尙書而獨以兩語皆屬尙書者何也蓋因包咸注

也包氏曰施行也所行有政道卽是與爲政同耳
詳繹注義則兩語自不可分屬故皇疏云然元照
竊意是亦爲政若非尙書則施於有政亦非尙書
攷尙書於皆作于錢先生云唐石經惟金滕有三於字酒誥有兩於字孝于
友于未嘗作於而施於有政字獨作於此非尙書
之明徵也以施於有政屬之孔子則是亦奚其文
勢回環無滯矣固不必因僞君陳有克施有政一
語而致疑也

馬融注八佾篇巧笑倩兮三句云此上二句在衛風

碩人之二章其下一句逸也王氏質詩總聞云子

夏舉此詩多素以爲絢兮一句恐是他詩亦有巧
笑美目兩句而繼以素以爲絢今不存也孔子子
夏問荅與此詩不類強合此詩恐涉牽強元照案
王說是也三百篇中如此類者多矣召南草蟲首
章首四句與小雅出車五章首四句同王風揚之
水兩章首二句與鄭風揚之水兩章首二句同小
雅北山首章首四句與小雅杖杜三章首四句同
餘如習習谷風以陰以雨習習谷風維風及雨大

同小異者尙難悉數然則此三句之非出於碩人

詩也又何疑乎

徐新田云養原案碩人四章章七句必無第二章獨多一句之理此

不待辯而明前人恐亦有道及者論語所引三句皆指繪事言之與碩人詩直詠人者不同而

後人乃有篇中刪章章中刪句句中刪字之論可

謂侔之甚者。又案詩中如王事靡盬之類屢見

者尤多左襄廿一年傳叔向引詩優哉遊哉聊以

卒歲亦唯優哉遊哉四字与小雅采芣文同耳而

杜預竟以采芣當之亦非也

管氏有三歸包咸云三歸娶三姓女婦人謂嫁曰歸

集註云三歸臺名事見說苑元照案晏子春秋

內篇

雜下

昔吾先君桓公有管仲恤勞齊國身老賞之以

三歸澤及子孫今夫子亦相寡人欲爲夫子三歸

澤及子孫豈不可哉又韓非子

外儲說左下

管仲相齊

曰臣貴矣然而臣貧桓公曰使子有三歸之家史

記

禮書

管仲之家兼備三歸漢書

公孫宏傳

管仲相齊有

三歸侈擬於君論衡

感類

反玷三歸諸侯之禮此皆

包氏所本三歸之非臺名審矣說苑

善說

所謂管仲

築三歸之臺以自傷於民者蓋築臺以處三姓之

女也朱子殆認作章華之臺一例文法故以爲臺名耳

不患莫已知求爲可知也包氏云求善道而學行之則人知己也皇疏云若欲得人見知唯當先學才伎使足人知故云求爲可知也此說無可疵議譌顯道云此論猶有求位求可知道在至論則不然難用而莫我知斯我貴矣譌氏發論甚高然非此經之旨轉覺失之支離洪景廬又云不以莫已知爲患而以求爲可知爲患第四句蓋承上文言

之夫求之有道若汲汲然求爲可知則亦無所不
至矣元照案求爲可知非求爲人知也求爲可知
以待人知斯其道然後得行故謂門弟子曰居則
曰莫我知也如或知爾則何以哉聖門之學未嘗
不欲人知豈若畸人隘士之心唯恐人知者乎經
意言當求有可知之實而不當以莫知爲患正恐
學者純驚虛聲不求實際固非教人求知也又何
慮乎無所不至哉

錢先生云宋儒往往有此等議論自謂有補於聖賢其實過高

而無當也

公冶長吾斯之未能信孔門弟子師前稱吾唯此一

見丁小雅教授云漆彫子本名啟漢書古今人表

上下菽文志自注儒家可證仲尼弟子列傳漆彫開字

子開史公避景帝諱也

說見王氏菽文志攷證閻氏四書釋地三續

啟

亦作启启与吾形近傳譌耳元照案說文

口部

启開

也又

支部

啟教也古人名字相配漆彫子漢景帝之

名皆是启而非啟启誤爲吾其理極確

匡繆正俗

一

云夫子之言性與天道不可得而聞已

矣蓋言夫子言性命之事及言天道不可得而聞

之近代學者乃謂夫子之言語性情竝與天道合所以不可得而聞離文析句背經違理大爲紕繆

漢書外戚傳注亦辨之

元照案皇疏云夫子之性與天地元

亨之道合其德致此深遠非凡人所知故其言不可得聞也此義與顏氏所斥之說大致相同顏氏謂其紕繆當矣史記孔子世家云夫子言天道與性命弗可得聞也已漢書張禹傳云性與天道自子貢之屬不得聞證之史漢義益顯明顏氏惜未及引之也

昌黎知名箴云勿病無聞病其熠熠昔者子路惟恐

有聞赫然千載德譽愈尊元照案以惟恐有聞作

譬聞解古無此訓唐儒已喜立異故論語筆解多

翻舊說

臧在東云啖趙說春秋亦爾此卽開劉原父一派

然筆解不載此

章朱子謂筆解爲非昌黎本眞是也

許周生云宗彥案筆解本

李習之所作而昌黎評之者今書中尙存昌黎評語數則可證又案張水部弔退之詩云論語未迄注手蹟今微茫可證退之於論語無成書徐新田云養原案昌黎自有論語注十卷張詩所云者指此韓文攷異云筆解以逸無復眞本

晏平仲善與人交久而敬之皇疏本作久而人敬之

故疏云此善交之驗也凡人交易絕而平仲交久而人愈敬之也邢疏本無人字故云凡人輕交易絕平仲則久而愈敬所以爲善元照案集解不載舊注不知漢儒之說云何周禮大宰以八統詔王馭萬民二曰敬故注云敬故不慢舊也晏平仲久而敬之据此則鄭本當無人字又案漢元儒先生婁壽碑善與人交久而能敬九 隸釋亦與鄭合愚謂平仲身爲齊卿素著才望人之敬之不足以見其善交也唐石經亦無人字

宿衛束脩非十五歲之名又明矣漢謁者景君墓

表惟君束脩行知□□

六 隸釋

幽州刺史朱龜碑仁

義成於束脩孝弟根其本性

十相府小史夏堪碑

□□束脩操絜冰雪

二十

金恭碑束脩聰□

三十

冀州

從事郭君碑束脩勤恪

隸續十九

禰衡顏子碑在束脩

之齒入宣尼之室

藝文類聚二十

歷觀諸碑則漢人之解

束脩皆與鄭同行者行年也孔氏注雖無明文然

亦未必如皇疏脩脯之解也

梁曜北云天祿識餘引束脩有五條徐

新田云識餘引祇四條

君娶於吳句爲同姓謂之吳孟子釋文爲于僞反皇
疏云禮稱婦人皆稱國及姓猶如齊姜秦嬴之屬
也魯之娶吳當謂爲吳姬而昭公爲吳是同姓故
諱不得言吳姬而謂吳孟子也集註於爲字偶漏
其音讀者竟依本音屬上爲句誤矣

子罕大哉孔子博學而無所成名鄭注美孔子博學
道藝不成一名而已元照案無所成名正以美其
大非惜之也皇疏云孔子廣學道藝周徧不可一
一而稱故云無所成名也猶如堯德蕩蕩民無能

名也江熙曰言其彌貫六流不可以一藝取名也故曰大也疏說確當注云而已已止也

子罕固天縱之將聖又多能也近讀以將聖屬上爲

句風俗通義

鄭通

云論語固天縱之莫盛於聖於之

字斲句全氏

祖望

經史荅問錄稱其句讀之善元

照案晉書儒林傳序云夫子將聖多能自天攸縱

大唐新語

十一
載

開元二十七年詔云所謂自天

攸縱將聖多能是唐以前句法皆然○孔注以將

爲大論衡

知實

以將爲且

皆本爾雅

細審句法皆未必以

將聖上屬

鄉黨入公門鞠躬如也孔云斂身也釋文無音元案

儀禮

聘禮記

注云孔子之執圭鞠躬

釋文云本亦作躬

如也

鞠之正文从𠂔說文

𠂔部

鞠窮也三蒼鞠躬敬畏貌

廣雅

釋訓

鞠躬謹敬也

曹憲音鞠

邛六反

爾雅

釋詁

鞠窮

也鞠躬鞠皆与鞠聲近通借躬乃窮之省文躬躬

皆後世增益之字鞠窮複語與踧踖相同

張清儀禮識誤

之皆所以狀敬謹之意史記

韓長孺傳贊

云壺遂之內

廉行脩斯鞠躬君子也

魯世家躬躬如畏然徐廣云躬躬謹敬兒見三蒼音

窮此言敬慎之君子豈曰曲身之君子哉史公親受業於

孔君而此與論語注異論語注非真孔本近人辨之詳矣又案鹽鐵論利云衰

衣博帶竊周公之服也鞠躬跼跼仲尼之容也

後漢書儒林傳論云鞠躬昏主之下狼狽折札之

命以鞠躬與跼跼狼狽為對文知亦不作曲身解

也設如孔解則不得云如矣聘禮記鞠躬焉如恐

失之魏氏了翁儀禮要義云溫本作鞠窮焉此條參用

抱經先生儀禮釋文攷證儀禮注疏詳校龍城札記三書之說

當暑衫絺綌必表而出之皇疏本無之字疏云古人

裘葛之上若在家無別加衣若出行接賓皆加上衣當暑絺綌可單出則不可單必加上衣故云必表而出也元照案曲禮下絺綌不入公門注引此文亦衍之字正義云上無衣表則因露見爲不敬又云引論語證入公門不單也玉藻振絺綌不入公門注振讀爲袵袵禪也表裏外衣也二者形且褻皆當表之乃出正義云形且褻者形解袵絺綌其形露見褻解表裏在衣外可鄙褻二者皆上加表衣乃出也器大記袍必有表不禪注論語袵絺綌

必表而出

亦衍之字

亦爲其褻也又下節注絺綌絰者

當暑之褻衣也据此則經文不得有之字孔注之

字皇疏本亦無

丁敬授云必表而出不當有之字出出門也表字該下緇衣三句

必有寢衣長一身有半孔云今之被也鄭注今小臥

被

周禮天官玉府疏引

元照案說文

衣部

被寢衣也長一身有

半周禮玉府注云燕衣服者巾絮寢衣袍釋之屬

廣雅

釋器

寢衣衾韞被也毛詩正義

召南小星

云今名曰

被古者曰衾論語謂之寢衣也寢衣爲被具有確

徵毋庸別解

鄉人飲酒杖者出斯出矣孔云鄉人飲酒之禮主於老者老者禮畢出孔子從而後出也元照案儀禮鄉飲酒禮鄭目錄云諸侯之卿大夫三年大比獻賢者能者於其君以禮賓之與之飲酒疏云凡鄉飲酒之禮其名有四案此賓賢能謂之鄉飲酒一也又案鄉飲酒義云六十者坐五十者立侍是黨正蜡祭飲酒亦謂之鄉飲酒二也州長春秋習射於州序先行鄉飲酒亦謂之鄉飲酒三也案鄉飲酒義又有鄉大夫士獻國中賢者用鄉飲酒四也

其王制云習射尚功習鄉尚齒卽是州長黨正飲

酒

所引據盧氏注疏詳校

賈氏此疏分析極賅如孔解則此

是黨正飲酒今知不然者鄉飲酒禮記鄉朝服而

謀賓介注云鄉鄉人謂鄉大夫也又鄉飲酒義鄉

人士君子尊於房戶之間注云鄉人鄉大夫也是

鄉人乃鄉大夫之稱也夫鄉大夫飲酒尚德黨正

飲酒尚齒

亦賈疏文

孔子不敢以有德者自居故必俟

杖者出而後出若黨正飲酒尚齒固眾人所同又

何庸述乎

周信之云與儀徵少宗伯所解相同兼能補所未備

○或以鄉人

飲酒爲鄉人偶然聚飲不在四事之內者非也古
無無故聚飲之事況孔子乎

車中內顧古論有不字鄭注從古包咸所注魯論也
故無不字其注云輿中內顧者前視不過衡扼旁
視不過轡轂也漢書成帝紀贊曰升車正立不內
顧不疾言不親指師古曰此三句本論語鄉黨篇
今論語云車中內顧內顧者說者以爲前視不過
衡扼旁視不過轡轂與此不同是師古所据集解
本經注竝無不字今案皇疏本經注皆有不字疏

云內猶後也顧迴頭也升在車上不迴頭後顧也
据此疏以不內顧爲說則皇本元有不字非後人
之所竄增元照綜而覈之則皇疏甚誤古論不內
顧以內顧爲回視魯論內顧則以爲外內之內薛
綜注東京賦云內顧謂不外視包氏之云正所以
釋顧之在內也前視過平衡柅旁視過平轡轂則
外顧矣疏說全失包意蓋漢儒說論語有古齊魯
三本異同甚夥何晏不察襍采諸家之注不辨古
魯之分經從古而注從魯者有之經從魯而注從

古者有之回互難定流傳既久遞相私改故皇顏
所据本各不同而此經則當從師古乃魯論經注
真本也皇在顏前慮有据皇以難顏者故略說之
餘詳鍾山札記

先進德行一節鄭氏以合前章

釋文

元照案自晉以前

皆以此爲聖語仲尼弟子列傳冉耕字伯牛孔子
以爲有德行又孔子以仲弓爲有德行又孔子以
爲子游習於文學新序

雜事

孔子曰言語宰我子貢

後漢書

文苑傳
鄭炎

安得孔仲尼爲在陳四科劉氏

劭

人物志序仲尼不試無所援升猶序門人以爲四

科梁書

裴子野顧協徐
摛鮑泉列傳論

阮孝緒常言仲尼論四科

始乎德行終乎文學漢書注

宣元六
王傳

引孔子曰德

行

云

凡以皆以爲孔子之言蓋漢魏相承之說

如此至皇氏義疏始別爲一章以爲記者所書說

者曰字而不名非夫子云

說見論
語筆解

元照案孝哉閔

子騫夫子未嘗不稱弟子之字也

人不間於其父母昆弟之言陳羣云言閔子騫爲人

上事父母下順兄弟動靜盡善故人不得有非間

之言也皇疏云凡人物論無有非間之言於子騫
父母昆弟也漢書杜鄴傳善閔子騫守禮不苟從
親所行無非理者故無可間也後漢書范升傳升
奏記主邑曰升聞予以人不間於其父母爲孝章
懷注言子騫之孝化其父母兄弟言人無非之者
論衡知實孔子曰孝哉閔子騫人不間於父母昆弟
之言虞舜大聖隱藏骨肉之過宜愈子騫瞽叟與
象使舜治廩浚井意欲殺舜當見殺已之情早諫
豫止旣無如何宜避不行若病不爲何故使父與

弟得成殺已之惡使人間俗本誤聞非父第萬世不滅
以虞舜不豫見聖人不能先知十三也此漢儒舊
說較陳注勝之矣

非我也夫二三子也前人有及見宋淳熙九經本之
有句讀點注者以夫字上屬元照案皇疏云非是
我意也是夫二三子意也則六朝時已以夫字下
屬邢疏亦同之淳熙本乃新定句法雖非舊讀頗
較勝之

季氏富於周公孔云周公天子之宰卿士也皇疏云

周公天子臣食采於周爵爲公故謂爲周公也蓋
周公旦之後也元照案言侯國之卿富過於天子
之冢宰周公自指同時者而言非公旦也傳記未
見有述公旦之富者

由也諺

今本作嘯

鄭注子路之行失於叛

皇本作叛釋文作叛云本今作

畔

諺尙書

無逸

乃逸乃諺傳云叛諺不恭正義引論

語爲證元照案呂覽

尊師

說義不稱師命之曰叛高

誘注叛換也以之證論語莫切於此高氏以換訓
叛殆與卷阿詩伴與之義相同彼箋云自縱弛之

意縱弛則不恭矣○換義與援相近

別有說

詩無然

畔援

皇矣

箋云畔援猶跋扈也韓詩傳云武彊也王

彌以叛諺爲剛猛

見皇疏

義亦相附

冠者五六人童子六七人皇疏引或云冠者五六人

五六三十人也童子六七人六七四十二人也四

十二就三十合爲七十二人孔門升堂者七十二

人也此說流俗相承以爲諧助不意出自此疏

徐新

田云養原案何晏爲清談之祖其解論語采集舊注尙爲謹嚴至皇氏所載十三家則全是王何宗旨矣時無范甯誰復迴狂瀾於既倒耶然其說非無所本漢成陽令

唐扶頌五六七化導若神

隸釋

洪适云五六六

七者用曾點冠者童子文則其所由來遠之矣

憲問夢之能勿勞乎孔云言人有所夢必欲勞來之

釋文勞力報反皇疏云夢志不能不勞心元照案

詩

小雅

心乎夢矣遐不謂矣箋云遐遠謂勤也我

心愛此君子君子雖遠在野豈能不勤思之乎宜

思之也孔子曰夢之能勿勞乎

此刪鄭箋文箋引此句以鄭心乎夢

矣二句引忠焉句證下二句

皇疏所說乃鄭義非孔義也勞從

本讀○集註云夢而勿勞禽憤之夢也用禮記子

婦有勤勞之事雖甚愛之姑縱之而甯數休之之
義雖從本讀義與鄭異此章忠愛似不屬父子君
臣而言且愛則言父之於子忠則言臣之於君語
意似不倫

陽貨篇孺悲欲見孔子一節据檀弓

下

哀公嘗使孺

悲學士器禮於孔子固孔氏之門人也孔子不見

孺悲賈公彥

儀禮士相見禮疏

謂孺悲不由介紹之故然

經文有將命者非介紹而何賈說似未覈也皇疏
云孺悲使人召孔子欲與孔子相見孔子不欲應

故辭元照案此說至當試以此經書法校之陽貨
召孔子書曰欲見孔子與此書法相同若就見者
則當書請見如儀封人之例矣賈氏誤謂孺悲就
見故從而強爲之說邢疏亦云來欲見孔子孔子
不欲見夫孔子於互鄉童子未嘗辭之何獨拒孺
悲之淡耶何晏注云所以使將命聞使孺悲思也
明乎孺悲之未嘗聞也愚謂學於孔子之後自不
敢來召其師疑此事在奉命學禮之時故挾君命
而自倨聞慙悔悟卒來就學士器禮於是得傳於

世始雖獲罪終列門牆孺悲之在弟子之列無可

疑者朱氏

灸尊

有孺悲從祀議其說至公惜未能

行也

惡居下流而訕上者漢石經無流字一切經音義兩

引亦無

十三四輩經又十六大變道比邱尼經下

是貞觀以前本皆同

皇疏本有流字者係後人誤增元照案皇疏云惡

爲人臣下而毀謗其君王者下上以位言不以品

言爲人臣下不得言居下流也又案子張篇紂之

不善章疏云下流謂爲惡行而處人下者也若陽

貨篇有流字則曷不疏於前而反疏於後乎惠氏

古義云鹽鐵論

地廣

云文學居下而訕上漢書

朱雲傳

小臣居下訕上皆用論語文

梁曜北云報任少卿書下流多謫議亦言

其賤耳鹽鐵論朱雲傳或省文引之未可為無流字之確徵

元照案楊惲報孫會宗書亦云下流

之人眾毀所歸此与史公皆用子張篇文

隱居放言包氏云放置也不復言垂務也元照案放

廢也廢置也

爾雅釋詁廢舍也古廢置互通

厥義相因伊尹放大

甲於桐放亦置也非弃逐之謂

此說別有辨

介之推曰

言身之文也身將隱焉用文之中庸曰其默足以

容卽隱居放言之義

困學紀聞說

集註云放言自廢則

似二人託跡隱淪狂言無忌近於孟子所謂處士

橫議者豈聖人之所許乎當以舊說爲長

徐新田云養原

案馬融解無可無不可云亦不必進亦不必退惟義所在言簡義精前人未經拈出此章論逸民則

可不可祇當就出處言

堯曰雖有周親不如仁人孔云親而不賢不忠則誅

之管蔡是也仁人謂箕子微子來則用之元照案

呂覽

離謂

夫傷忠臣者無功不得民者則以其無功

不得民傷之有功得民者則又以其有功得民傷

之比干萇宏以此夙箕子商容以此寤周公召公
以此疑范蠡子胥以此流高誘於周召句注云以
管蔡流言故疑也論語曰雖有周親不如仁人此
之謂也高氏引此以見管蔡周親不如周召仁人
意與孔注大致相同新校本云此引論語不解所
用意此殆習平古文孔傳之說而未之思也

孔子之門父子同學者顏曾而外他無間焉冉耕冉

雍二人家語以爲宗族元照案論衡

自紀

云鯀惡禹

聖叟頑舜神伯牛寢疾仲弓潔全顏路庸固回傑

絕倫以仲弓爲伯牛之子存之以廣異聞可也

漢儒經師家法建安罍亂之後漸失其傳如何晏於經學本無所得其撰論語集解兼采眾說不欲墨守一師之言兩漢專門名家之學自茲遂破且漢時論語魯古竝行諸家授受本各不同若於一章之內文字訓解專主一家猶之可也今其書雜陳眾說一章而載三四家說以致前後衡決不相檢照者甚多如未若貧而樂道鄭本無道字故其注曰樂謂志於道孔本有道字故其注兩言樂道兩

注竝存而經文道學之有無遂莫能定矣子在齊聞韶三月不知肉味周生烈曰聞習韶樂之盛美故忽於肉味也如周解則不圖爲樂之至於斯乃歎美之辭非別有所指也何氏於下文又載王肅曰不圖作韶樂至於此此此齊也於是郭象江熙范甯皆以爲夫子傷慨之辭雖不知於經之指歸何若而周王兩說固已不可合矣下章古之賢人也鄭從古作賢仁故其注云孔子以伯夷叔齊賢且仁集解於經文既定作賢人又載鄭氏賢且仁

之語不反成弔詭乎如斯之類尙難枚舉姑記所疑以諗同學

論語爾雅之疏皆宋邢昺撰孝經疏乃唐元行冲奉

明皇詔而作者見唐書元行冲傳舊唐書經籍志

孝經疏三卷元行冲撰宋咸平三年邢昺奉詔取

元疏約而修之故昺序有翦截元疏之語後人遂

以疏爲邢書誤也

孫監察云志祖案今注疏本但題邢昺校則非邢撰可知也

臧在東云鏞堂謂論語本之皇侃爾雅疏本之孫炎高連孝經疏本之元行冲皆非邢氏翔作邢皆改名正義而不云疏徐新田云養原案邢氏三疏唯孝經差勝蓋全用元疏故也論語雖本皇侃

其改易者多矣爾雅舊疏不傳無由考其沿革孫高六朝小儒原本諒亦不佳邢氏據之空其劣也○邢昺序寥寥數語不似序體又有一序題成都府學主鄉貢傳注奉右撰亦不知何人

葉紹翁四朝聞見錄

丙集

云真文忠公名德秀字景元

樓宣獻公叩之以字義真荅以慕元德秀之爲人故曰景元樓公取詩注景行行止處示之則景之義爲明謂高山仰止對明行行止也真遽易爲希元蓋景元乃明元無謂也元照案唐明皇孝經序云朕嘗三復斯言景行前哲允行冲疏亦云景明

也孫奕示兒編六云或者不審景行之音訓徃徃

泥此一句倡爲景慕之說博攷經傳景之爲言大也明也景慕二字徃徃因孝經序而言之近也尺牘中間有用之者殊未聞有以景之一字訓慕也抱經先生云履齋之說非也後漢書劉愷傳賈逵上書稱愷景仰前修章懷注引景行行止而云景猶慕也又陳宮上書稱愷百僚景式注云景慕以爲法式則景有慕仰之意自漢已然矣元照又攷漢陳度碑亦有景仰之文

見隸續十九其上下文皆闕

王簡栖

頭陀寺碑以法師景行大迦葉故以頭陀爲稱首
顏氏家訓慕賢篇安可不攀附景仰之乎晉書杜
夷傳景仰軌則魏書任城王雲傳普天景仰皆在
孝經序前

梁惠王上篇是罔民也孫氏音義云張如字丁作司
民又滕文公上篇音義云罔民張云或作司誤也
元照案司古伺字漢書凡伺察字皆作司鄭注周
禮蜡氏秋官序官云蜡讀如狙司之狙釋文司字無音漏也司反
司民猶言爲阱於國中若狙司然也與罔民義同

不可謂誤

徐新田云養原案說文無伺字人部伏字注云司也臣鉉等曰司今人作伺

閻氏

若璩

解今之樂由古之樂為歡樂之樂引左傳

古而無死則古之樂也為證元照案孟子因齊宣

云好世俗之樂故解之曰今樂猶古樂若讀如洛

則失語意矣閻說非也下文臣請為王言樂則當

音洛邠卿云孟子欲為王陳獨樂與眾人樂之狀

明不從本讀孫氏音義朱子集註於此皆不加音

漏耳

徐新田云養原案百詩此說有二條一在釋地三續此所引是也一在初續明言通章樂

字除鼓樂外皆當音落九能豈未見邪唐風云好樂無荒此好樂二字所本坊記云貧而好樂元

照案邠卿云世俗之樂謂鄭聲也則好樂今樂古樂等字皆當從本讀

梁惠王下篇眀眀胥譏邠卿云眀眀側目相視音義云字亦作謂元照案說文目部眀視兒玉篇眀字引此文爲證唐李華弔古戰場文眀眀心目亦用此文也字書言部無謂字且从言与視無涉○墨子上經云謂作嘽也有此一見亦不可解墨子書古無善本而經說數篇尤傳譌難讀謂字之正否不可知

反其旌倪邠卿云弱小繫

從孔刻本○音義云繫烏兮切爲此字作音也監本

毛本作倪與下倪者也元照案說文女部嫗嫗也嫗

嫗嫗也廣雅釋親鄭注禮記雜記下云嬰猶驚彌也

釋名長幼云人始生曰嬰兒或曰嫗嫗嫗是也言是

人也嫗其哢聲也故因以名之也繫倪即嫗嫗之

異文鄭作驚彌聲轉字異丁公著云旄倪老也音義

引非是臧在東云旄為老

殷時有兩微仲一為啟弟一為啟子呂覽當務云紂之

同母三人其長曰微子啟其次曰中衍史記宋世

家微子開卒立其弟衍是為微仲家語本姓云其弟

曰仲思名衍漢書古今人表一在中上一在中中
班氏自注云啟子注之者所以別於仲衍也是在
中上者之爲啟弟明矣閻氏若璩以孟子所云微
仲爲啟子而非啟弟援人表爲證殆未攷人表有
兩微仲邪。檀弓上微子舍其孫臚而立衍也證
以呂覽史漢衍爲微子之弟明甚北齊書儒林刁柔
傳引作微子舍其孫臚而立弟衍許周生云此文
參用鄭注
義更顯蘇氏古史云微子卒卅子蚤歿乃立卅子
之弟微仲衍自注云卅以爲微子之弟失之臧在
東云

此卽駁鄭注微子之子名衍未知見於何書恐未可以

臆說廢相傳之解也又云周生云此正是舊解

本於檀弓讀檀弓本文自明康成亦以衍爲微子

適子之弟古史卽從鄭注稍增益數字竝非紉解

惜正義脫去此句之疏故讀者忽之耳元照案

注云微子適子成立其弟衍其字指微子非指微

子之適子也微子之弟名衍而其子又名衍是其

子與叔父同名恐無此理然案刀柔傳柔引檀弓

經注而申之云然則商以嫡子成立嫡子之母弟

此句正指微子立衍之義是刀氏之讀鄭注亦同

周生之說矣臧在東云鑄堂案九能据呂覽史

漢以駁正古史與檀弓本文合檀弓云文王舍伯

邑考而立武王微子舍其孫膺而立衍二文互舉

猶言文王舍其孫而立武王微子舍其嫡子而立

弟也舍伯邑考謂伯邑考成文王不立嫡孫而立

武王也武王爲伯邑考之弟猶微仲爲微子之弟

也

滕文公上篇是率天下而路也音義云丁張竝云路

與露同元照案左傳

昭元年

勿使有所壅閉湫底以

露其體杜預曰露羸也韓非子

上

好罷露百姓風

俗通義

怪神

大用羸露又通作潞呂覽

不

士民罷潞

高誘注潞羸也

方言三廣雅釋詁三皆云露敗也

又管子

四

不知

四時之故天下乃路此与孟子義尤合

段先生云詩串夷載

路箋云路瘠也侵伐混夷以瘠之凡作應者非也此与趙注相發明

○邠卿云是率

天下之人以羸困之路也故曰是率天下而路也

案音義本標羸路二字蓋邵武士人不解羸路之

義故增益困之二字而不顧文義之難通

段先生云九能

此說極好

且果云羸困之路則丁張所云路與露同之

語反成弔詭矣困之二字當依音義芟去又音義

云羸力爲切字亦作羸卽果切案羸羸義異羸誤

無疑

王氏

柏

書疑詩疑二書於經文增芟改竄前人非其

師心自是固矣其書疑中以堯

堯作帝

曰咨廿四字

補入舜讓于德弗嗣之下猶之可也又於敬敷五

教在寬之下以孟子勞之來之廿二字驛入斯甚
誤矣元照案孟子放勳曰勞之來之云乃是日

月之日邠卿云遭水災恐其小民放僻邪侈故勞
來之匡正直其曲心使自得其本善性然後又復
從而振其羸窮加德惠也則此廿二字者乃孟子
言放勳之行事非述放勳之言也音義云丁音駟
或作曰誤路史紀陶唐云拼契司徒教以人倫于日
勞之徠之匡之直之輔之翼之亦用此文也王氏
專据集註遂不復深究毛晃增韻又据集註而以

日字爲誤宋元人之墨守如此。○孟子疏亦作曰
字解疏卽託名孫氏而於孫氏之音義略不寓目
可哂也。許周生云武進臧玉林經義禰記有一條
与此略同周信之云王氏本集注卽使
攷及音義亦斷不有從也徐新田云養原案勞
來等五句固非放勳之言要亦是百二十篇中語
非孟子臆撰也特不
宜繫在寬之下耳

滕文公下篇泔水者洪水也邠卿云水逆行泔洞無

涯故曰泔水元照案凡从𠂔之字古讀皆若洪說

文

木部

𠂔从木𠂔聲讀若鴻又降字自漢以前無讀

去聲者

詳顧氏
音論

𠂔鴻一聲之轉孟子以洪訓泔亦

係同聲取義澤洞亦疊韵澤与虹亦通七發虹洞

兮蒼天玉篇云澤潰也澤潰釋言文今爾雅作虹

顧野王本作証李巡本作降

見釋文

此數字音義悉

同張鑑音澤爲絳非也

絳古音亦如洪然張氏則不如此

丁公著

又以澤洞之澤當从𡗗𡗗音逢澤洪水也元照案

說文大徐本無澤字繫傳有之云大水也此繫傳

之誤

繫傳火部有炙字復有炙字澤別爲澤猶炙別爲炙也

玉篇廣韵皆無

澤字又案說文澤字注云水不遵道一曰下也邠

卿所云逆行卽不遵道也

澤水之澤本从𡗗乃改而从𡗗逢蒙之逢本从

牟乃改而从牟唐人
不明小學舛錯如此

離婁上篇天方蹶無然泄泄泄泄猶沓沓也玉篇引孟

子咄咄猶沓沓也元照案說文口部引詩作咄咄言部引

作詵詵皆訓多言又日部沓語多沓沓也言部諸也泄

泄沓沓多言之義今詩与孟子作泄者古文通借

耳又荀子解蔽辯利非以言是則謂之詵楊倞注云

辯說利口而飾非以言亂是則謂之詵亦引詩證

之又正名愚人之言諛諛然而沸楊注云諛諛多言

也孟子釋沓沓之義云言則非先王之道亦指言

而言之又案詩小雅十嘽月之交沓背憎傳云嘽猶嘽嘽

沓猶嘽嘽箋云嘽嘽沓沓相對談語晉書忠義王豹傳引詩作

嘽嘽山井鼎毛詩攷文云經注沓字古本皆作嘽又大雅蕩箋有笑語沓

沓之文義可互證錢先生云鄙製荅問有一條与此略同

存乎人者莫良於眸子邠卿云存人存在人之善惡

疏不能釋存在之義元照案爾雅釋詁徂在存也在

存省士察也邠卿本此義存人即觀人之謂故章

指云存而察之善惡不隱

曾中不正則眸子眊焉盡心上篇第卅六章章指云

胷中正者眸子不眚眚文異音義不爲之辨元
照案說文眚目少精也眚但目謹視也以義攷之
則眚爲正文假借用眚周書眚羌髻髻之卽詩小
角如蠻如髦之髦也鄘風髧彼兩髦說文引作髧
爾雅釋木旄冬桃說文作檟讀若髦又旄邱見於毛
詩爾雅者皆从𠂔毛聲而字林作𠂔又作𠂔与眚
督同例毛攷聲相近

離婁下篇逢蒙音義云丁張竝薄江切從各各下江
切元照案說文彳部無逢字玉篇亦無玉篇并無
逢字係誤

脫逢蒙當从夆

淮南道應訓作逢亦曰逢門子見漢書王褒傳古今人表亦曰逢須

見鹽鐵論能言篇

逢有符容蒲蒙敷容薄江四音皆逢聲

也攷莊子

山木

作蓬蒙

釋文云符恭反徐扶公反

荀子

王霸正論

呂覽

聽言

史記

龜策傳

作蠡門呂覽

具備

又作蠡蒙

荀子注云蠡音逢

觀蓬蠡之通用則逢字之不从夆明矣漢書古今

人表於逢公柏陵逢丑父楚逢伯逢於何陳逢滑

逢大夫及逢門子皆壹从夆匡繆正俗

八

云逢姓

蓋出於逢蒙讀當如其本字更無別音今之為此

音者自稱乃與龐同音猥云逢姓之逢與逢遇字

別妄爲釋訓何所據乎小顏雖不知逢有四音然其斤分別者爲無據其說誠是而廣韵四江部有逢字與龐同紐注云姓也出北海左傳齊有逢丑父今攷逢丑父見左氏公羊成二年傳二傳釋文皆無音又攷左傳釋文於逢伯僖六年逢大夫宣十二年逢伯陵昭廿年逢滑哀元年皆無音是逢姓与逢遇之逢唐以前無分爲二字者唯國語舊音於逢伯陵

周語下

音白

薄白同
泣母

江反亦未嘗論及字體蓋逢別

爲逢始於廣韵而唐人未能盡信後人誤遵用之

耳唐人多昧古音其意以从夆不合於薄江切故改而从夆猶泝水之泝本从夆以不合於胡貢切必改而从夆

有辯見前

雖相反而正相同皆不識古音

不信說文之故也隸釋十逢盛碑陰跋亦曾辯之

云石刻有漢故博士趙傳逢府君碑神道逢童之碑其篆文皆从夆魏元丕碑有逢牧孔宙碑陰有逢祈此有逢信亦不書作逢予謂漢儒尙借逢爲逢則恐諸逢當讀爲鼉鼓逢逢之逢爾洪氏此說最精瞻顧氏唐韵正之論亦同郭氏

忠恕

佩觿辯

證李氏

文仲

字鑑皆謂从夆者非姓攷之不審矣

仁和

北古今人表攷證引

梁曜甚備此條頗參用之

書云祇載見瞽瞍夔夔齊栗瞽瞍亦允

句

若是

句

爲

父不得而子也古文尙書采此文入大禹謨云瞽

亦允若傳云父亦信順之蓋訓若爲順也元照案

邠卿云瞽亦信知舜之大孝若是爲父不得而子

也是孟子本於允字絕句若字屬是字爲句撰古

文者故別於趙注以示異猶論語引書施於有政

是亦爲政

據包咸注以二語書元照以二語爲孔子語有說辨之然与古文尙書均不相

合

而古文中分之改爲克施有政以次語屬之孔

子蓋既托於孔壁古文原不必規規於漢儒不見

古文者之說也而其裁綴之工又誠足以動人觀

聽古義晦昧尠有究心論古文者如閻惠諸君未

嘗及此也

徐新田云養原案孟子所載舜事趙臺卿以爲俱在舜典中堯典篇末已及舜

終則堯典乃夏史所作稱舜父爲瞽瞍乃史官敘事之辭瞽乃無目之名或謂舜父有目其心不明故謂之瞽則瞽者罵之之辭也若如今書禹謨帝舜方爲天子乃呼天子之父爲瞽有是理乎○

江氏

聲

尙書人注采集逸文仍連若字孫氏

星衍

所輯古文馬鄭注其所采不誤

履齋示兒編

云書所載伊尹放大甲于桐放當作

教以其篆文相近故譌耳宋氏

濂

極偉此論元照

案此當以孟子證之公孫丑問曰賢者之爲人臣

也其君不賢則固可放與孟子曰有伊尹之志則

可無伊尹之志則篡也觀乎此則放字之非誤明

矣

孫監察云伊尹放大甲不但見孟子也亦見左
襄廿一年傳外傳晉語示兒編之說頗謬潛溪

誤信之予向於示
兒編跋中有辯

客或難曰此固公孫丑之言也

若萬章上篇伊尹放之於桐三年則孟子之言也

孟子於舜之放象尙爲之辯而顧謂伊尹放大甲

何也元照謂古人語意輕重不嫌同辭一字而兼
兩義者其義必相近就其相近之中則必有重輕
在後人較量謹言古人則不若是也卽以放字論
之放驩兜于崇山晉放其大夫胥甲父則當訓弃
小爾雅訓逐說文湯放桀伊尹放大甲則當訓置
廣言
包咸注廣雅釋詁四伊尹安置大甲於先王陵寢之旁夫豈
弃逐之哉又何煩贅鑿耶

主司城貞子爲陳侯周臣邠卿云陳侯周陳懷公子
也爲楚所滅故無諡但曰陳侯周元照案懷公子

爲濬公見史記陳世家漢書五行志 其名周僅
見於孟子師古五行志注云閔公名周卽祖孟子
也史記則以爲名越當別有所据索隱云案左傳
濬公名周是史官記不同也元照攷左傳無濬公
之名亦無諡不知索隱何据臧在東云索隱言有誤耳。身歿
國亡而猶有諡者如欒懷子是也陳侯諡濬亦與
相類

告子下篇方寸之木可使高於岑樓邠卿云岑樓山
之銳嶺者元照案爾雅釋山山小而高岑故曰銳左

傳襄廿四年部樓

說文作附婁今本亦作婁釋文云本亦作樓

無松柏應劭

云言其卑小

風俗通義十

杜預云部樓小阜岑樓部樓

文義相類大小皆可名樓也

由鄒之任見季子由平陸之齊不見儲子邠卿云孟

子荅此二人有異

又云俱荅二人又云故荅而不見

元照案禮無

不荅儲子既以幣交雖禮意不誠當往荅之如陽

貨歸孔子蒸豚孔子必往拜此禮之不可失者也

但不欲見其人故闕亡而往孟子之荅儲子當亦

類此若受其幣而不荅則非禮矣趙氏推測至有

精義如檀弓說季札葬子孔子往而觀葬康成注云徃弔之此亦由推測而得之者漢儒之精審若是

訑訑音義云張吐禾切云蓋言辭不正欺罔於人自誇大之貌丁云此字音他又達可切說文云欺也字作訑不音怡訑訑自足其智不耆善言之貌今諸本皆作訑卽不合注意當借讀爲訑音怡元照案𠂔𠂔二字音義悉殊𠂔隸變作它𠂔隸變作也後來它也二形溷而爲一如𠂔純等字本皆从它

而俗書則皆从也訛字為詆亦此之類故廣韻四支

以詆字為俗體至𠂔字乃俗書之尤無理者不必

論矣

徐新田云養原案俗書𠂔字又因施字而誤初不知施乃从𠂔从也非从方从𠂔耳

公著所別詆詆二字實即一字皆俗書也

玉篇云詆湯何

切又達可切詆謾而不疑兗州人謂欺曰詆俗作詆又云詆式支切詆詆自得也別詆詆為二不知

正俗之分正體當從說文作詆凡一字有數義者說文

每不詳備不必因与趙注不符而致疑於字體也

莊子

知北遊

僻陋慢詆与孟子義合楚詞

九章惜

或

詆謾而不疑王叔師訓為詐欺釋文云詆一作詆

可證訑訑無別張鎰之說已知訑訑爲一其解亦

較勝邠卿。又案訑當讀徒和反訑史記

龜策列傳或

忠信而不如誕謾徐廣云誕一作訑元照案誕訑

聲相近

徐新田云凡它也之溷不可枚舉然莫誤於訑字蓋訑潛之訑借作訑沼之訑本屬

一字今以从它爲訑潛从也者爲訑沼判一爲二繆不可言又案它也二字字異音同韻書於从它之字多入歌韻从也之字入支韻非唯昧於字體兼不知音矣

王文成以致良知三字提唱宗旨與朱子爲難良知

二字肇自孟子文成之解良知實本朱子於邠卿則

則訓良爲甚元照案後漢書馬援傳良怖急者可

牀下伏章懷注良甚也又古人良久良苦之云皆甚之謂上也篇良貴亦當訓甚集註皆訓爲本然之善文成遂得借以行其說矣

柳下惠不以三公易其介邠卿云介大也

釋詁文

柳下

惠執宏大之志不恥污君不以三公榮位易其大量也音義引陸善經云介謂特立之行元照案孟子言柳下惠雖袒裼裸裎於其側而由由然與之偕故譏其不恭則與介特之義不相似必若伯夷之隘乃可謂之介特言固各有攸當也劉氏

劭人

物志體別云宏普之人意變周洽不戒其交之溷襍

而以介爲狷廣其濁是故可以撫眾難與厲俗狷
介之人砭清激濁不戒其道之隘狹而以普爲穢
益其拘是故可以守節難以變通其所謂介者指
伯夷一流所謂普者指柳下一流釋劉氏之論則
知邠卿之允

人莫大焉亾親戚君臣上下元照案近讀於焉字絕
句非也焉當訓於何邵公解公羊云焉爾猶於是

也隱二年又云焉者於也宣六年高誘淮南注焉猶於

時則与此字法一例當作一句讀

古書敘述言辭有兩人之言總蒙一曰字者有一人

之言重一曰字者孟子自范之齊章內孟子曰三

字是重文起義亦猶禮記哀公問孔子遂言曰之例

也趙氏章句分爲兩章別有章指故知分爲兩章集注合爲一

章而以孟子曰三字爲義文恐皆非是

盡心下篇王曰無畏寧爾也非敵百姓也若崩句厥

角稽首邪卿云百姓歸周若崩句厥角讀額角犀

厥文選注四十地句稽首讀拜命句亦以首至地

六引作厥

也章指云殷民厥角周師歌舞

淮南本經訓劓劓劓劓

詩蹶角之蹶詩無蹶角之文疑卽指此詩蓋如若之謬

元照案邪卿訓厥爲

犀厥非剗解也

段先生云王裁案額角犀三字連讀國語角犀豐盈注亦可證中山

策亦云睂目權衡角犀偃月然則角犀卽今相書伏犀貫頂是也

漢書諸侯王表

厥角觴

稽本字

首奉上璽載正用孟子此文應劭曰

厥者頓也角者額角也晉灼曰厥者豎也叩頭則

額角豎兩說小異

應氏訓頓與趙尤合

要皆不以厥爲語助

漢人行文連用經典語助如色斯友于刑于之類頗有之厥角非其類也

與趙注同趙

云歸周若崩猶云從惡如崩極言其易耳撰古文

尙書者不審此義芟竄孟子之文入之泰誓曰百
姓懍懍若崩厥角其傳云民畏紂之虐色懼不安
若崩摧其角無所容頭始以若崩厥角爲句旣以
崩角連文不得不訓厥爲其句讀故訓胥失之矣
趙注文義晦澀古文尙書盛行遂末有爲之申明
者○王融曲水詩序屈郛厥角請受纓縻陸倕石
闕銘屈郛交臂厥角稽顙邛遲與陳伯之書夜郎
滇池解辯請職朝鮮昌海蹶角受化

以厥爲蹶合
於晉灼之訓

以厥角與屈郛解辯爲對偶尙不失古義古文尙

書王陸諸人已及見矣而不遵用者特以沿襲漢書之故耳

被衫衣邠卿云衫畫也梁先生同書云衫之訓畫於

古無徵案三國志魏文帝紀注引文帝令曰昔者

大舜飯糗茹草將終身焉斯則孤之前志也及至

承堯禪被珍裘妻二女若固有之斯則順天命也

是漢時本有作珍裘者翟氏顯攷異失采錢先生云大昕

案梁說甚確許周生云宗彥案言舜者多及於琴蓋以舜有南風之操也南風爲夏時被衫衣鼓琴一時事耳作珍裘者蓋儒家相傳別本梁曜北云然則舜鼓琴只有南風一操如范履霜耶

徐新田云養原案夏小正合冰必於南風解冰必於南風師曠歌南風在十二月樂記舜作五弦之琴以歌南風疏云世本神農作琴舜用此琴特歌南風亦不必以范履霜為嫌臧在東云鏞堂案周禮司裘仲秋獻良裘鄭仲師云良裘王所服也虞之珍裘猶周之良裘貴為天子始服之山舟先生說是

以追蠡邠卿云蠡蠡欲絕之貌也元照案荀子賦蠡

兮其相逐而返也楊倞注蠡與蠹同蠡兮分判貌

蠡音戾方言六參蠡分也齊曰參楚曰蠡秦晉曰

離又三蠹蠹解也又案說文部蠡蟲齧木中也蓋木

以蟲齧有欲斲之狀皆可互參周信之云程氏通藝錄解蠡字最當